

Խմբագրատան հասցէ՝

Պէյրուս. Նահր Իպրահիմ փ.,
Թէքէտան Կեդրոն, 2-րդ յարկ, Ժըմմէյզի

Երեւան. Մամուլի շէնք, Հիմնական
Մասնաշէնք, 2-րդ յարկ, 213ա,
Արշակունեաց 2

Արխիւի ծածկագիր



@ zartonkadl@gmail.com

+961 1 444225
+961 81 306 447

www.zartonkdaily.net
facebook.com/zartonkdaily

P.O.BOX 11-617 Beirut-Lebanon

Լիբանանեան Լուրեր

Հըզպալլա Պիտի Հարուածէ՝ Զարիշ Նաւթահորի Կեդրոնը



Իսրայէլեան լրատուամիջոցները յայտնած են, որ բանակը կ'անկալէ, որ Հըզպալլան թիրախաւորէ Զարիշ հանքավայրէն կազարդիւնահանելու նոր հարթակը, որ Կիրակի օր տեղադրուած է բրիտանա-յունական «Energiean» հետախուզական ընկերութեան կողմէ՝ Հայֆայէն 80 քիլոմէթր հիւսիս-արեւմուտք գտնուող հանքավայրին մէջ:

Իսրայէլեան «Զաֆ» հեռուստաալիքը յայտնած է, որ բանակը կը պատրաստուի կազային հարթակի՝ «Հըզպալլայի յարձակման» հնարաւորութեան, երբ Լիբանան կը նախագրուէ Վիճէի ջուրերուն մէջ Իսրայէլի որեւէ «յարձակողական գործողութենէ»:

Իսրայէլեան հեռուստաալիքը յայտարարած է, որ անվտանգութեան ծառայութիւնները նիստ կատարած են՝ գնահատելու իրավիճակը, երբ Energiean հարթակը լքած է Սինկափուրի Նաւահանգիստը դէպի Իսրայէլ անցնելու Մայիսին:

Ան նշած է, որ Իսրայէլի եւ Energiean ընկերութեան միջեւ կնքուած պայմանագրերը կը նախատեսեն, որ հարթակի ապահովումը ընկերութեան պարտականութիւններն են, իսկ «ջրային տարածքի անվտանգութեան» պատասխանատուութիւնը՝ Իսրայէլեան բանակի ունեւորն է:

Բրիտանա-յունական ընկերութիւնը նախօրէին տեղադրած է հարթակը եւ յայտարարած է, որ կազի արդիւնահանումը պիտի սկսի 3 ամսուայ ընթացքին, կը յայտնէ Haaretz կայքը, մինչդէռ Իսրայէլի հանրային հեռարձակողը եւ ռատիօն նշած են, որ «Իսրայէլեան Նաւատորմը կը հսկէ հարթակը եւ ապահոված է անոր փոխադրութիւնը Սուէզի նեղուցէն դուրս գալէն ի վեր, գալով Սինկափուրէն:


Անցեալ շաբաթ Իսրայէլի Զնեսեթի տնտեսական հարցերու յանձնաժողովը հաստատած է նոր կազային հարթակէն 1500 մէթր հեռաւորութեան վրայ ծովային Նաւարկութիւնը արգիլող հրամանը:

Լիբանանը դատապարտած է Energiean ընկերութեան նոր հարթակի տեղադրումը Լիբանանի եւ բռնագրաւուած Պաղեստինի միջեւ վիճելի տարածքի կեդրոնին:

Հայկական Լուրեր

Լաւրով Աշխատանքային Այցով Երեւան Կը Ժամանէ

Աշխատանքային այցով Երեւան կը գտնուի Ռուսիոյ արտաքին գործոց նախարար Սերգէյ Լաւրով: Այսօր, Արտաքին գործոց նախարարութեան մէջ տեղի պիտի ունենայ Հայաստանի եւ Ռուսիոյ ԱԳ նախարարներու հանդիպումը: Այցի շրջանակներուն մէջ նախատեսուած են նաեւ այլ հանդիպումներ:



Ռ.Ա.Կ.ի Միասնականութեան Վերահաստատման Երկրորդ Կոչը

Ներածական

Անցեալ Դեկտեմբեր ամսուան ընթացքին Ռ.Ա.Կ.ի խումբ մը նախկին ղեկավարներ ի մի գալով հրապարակած էին Կուսակցութեան միասնականութեան վերահաստատման կոչ մը: Այդ կոչը գտաւ իր դրական արձագանգները, եւ հետզհետէ բազմացող մասնակիցներով կայացան հերթական խորհրդակցութիւններ:

Նոյնպէս, տարբեր շրջանակներու խմբաւորումներէն եւ անհատ կուսակցականներէն ստացուեցան զօրակցութեան պատգամներ, որոնք կը շարունակուին հաստատելու համար շարժումին դրական ընթացքը:

Ըսել թէ հարթուած են բոլոր տարակարծութիւնները անցեալի հակառակորդներուն միջեւ՝ պիտի չհամապատասխանէ իրականութեան: Սակայն փաստը այն է որ բոլոր մասնակիցները սրտցաւորէն կ'անդրադառնան կուսակցութեան ներկայ ողբալի վիճակին, մանաւանդ այս պահուն երբ Սփիւռքը կը դիմագրաւէ լուրջ հարցեր եւ Արցախ - Հայաստան կը գտնուին օրհասական ու ճակատագրական իրականութեանց դիմաց, մինչ մեր Կուսակցութիւնը կը մնայ անզօր՝ անդամալուծուած վիճակի մէջ:

Հայրենիքի ճակատագիրը այս պահուն կարիքն ունի բոլոր գործօն քաղաքական ոյժերուն՝ պայմանաւ որ այդ ոյժերը միասնական ըլլան ներքին կարգով: Մեր շարժումին մասնակիցները վստահ են ամէն գնով հասնիլ հայ ժողովուրդին ու հայրենիքին կարիքներուն եւ կը յուսանք որ այդ վճռականութիւնը պիտի հանդիսանայ միարար ոյժ բոլոր մասնակիցներուն համար:

Վերջապէս Ռ.Ա.Կ.ի Մամուլը Միասնական Է

Չուգահեռաբար միասնութեան նախաձեռնութեան ժողովներուն՝ կանոնաւորաբար կը կայացուին նաեւ Ռ.Ա.Կ.-ն մամուլի օրկաններու ժողովները. համադրելու համար անոնց քաղաքական վարքագիծերը: Ուրախ ենք յայտնելու որ մեր մամուլի օրկաններուն բացարձակ մեծամասնութիւնը («Ազգ», «Ապագայ», «Արեւ», «Նոր Աշխարհ», «Պայքար», «Սարտարապատ», «Չարթօնք», «The Armenian Mirror-Spectator») միացած է այս շարժումին, որ կը հայթայթէ ոչ միայն տեղեկութիւններ, այլ նաեւ վերլուծական աշխատանք: Այսօր մեր մամուլը, թէ՛ հայրենիքի եւ թէ՛ սփիւռքի մէջ գրաւած է յառաջապահ դիրք մը, ոչ միայն բովանդակութեան առումով այլ նաեւ արտադրութեան արդիական մեթոտներով:

Մեր ստացած արձագանգներէն կրնանք վստահօրէն վկայել որ մեր մամուլի առաքելութիւնը վաղուց անցած է կուսակցական շարքերու սահմանը, իր առաջապահ դիրքով առաջնորդութիւն ընծայելով համագային ծաւալով:

Խորհրդակցական Հեռահար (Zoom) Ընդլայնուած Ժողով

Բոլոր անոնք որ զօրակցութեան պատգամներով միացած են շարժումին եւ համաձայն են միասնականութեան ձգտող անոր ոգիին հետ՝ պիտի ստանան հրաւեր մասնակցելու հեռահար (Zoom) խորհրդակցական ժողովի մը, որուն թուականը պիտի ըլլայ Շաբաթ, 18 Յունիս 2022-ն: Նշեալ խորհրդակցական ժողովէն պիտի բխի Միասնականութեան շարժումին ապագայ հանգրուանի ռազմավարութիւնը:

Այսօր մեր ժողովուրդին ու հայրենիքի տագնապալից վիճակը մեզի կը պարտադրէ առաւելագոյն խոհեմութեամբ համախմբուիլ միասնականութեան այս շարժումին շուրջ եւ դրապէս պատասխանել բովանդակ Հայ ժողովուրդին ու Հայոց հայրենիքին կարիքներու կոչին:

Ռ.Ա.Կ.ի Միասնականութեան Նախաձեռնող Ղեկավարներու Խումբ
Յունիս 6, 2022

ՀԱՂՈՐԴԱԳՐՈՒԹՅՈՒՆ

Ամենայն Հայոց Կաթողիկոսն Ընդունեց «Մարդու իրավունքներ եւ Պատասխանատվություն. Պատերազմի Հետեւանքները» Միջազգային Համաժողովի Մասնակիցներին

Յունիսի 4-ին Ն.Ս.Օ.Տ.Տ. Գարեգին Երկրորդ Ծայրագոյն Պատրիարք եւ Ամենայն Հայոց Կաթողիկոսը Մայր Աթոռ Սուրբ Էջմիածնում ընդունեց «Ծշմարտութեան եւ արդարադատութեան կենտրոնի» կողմից կազմակերպուած «Մարդու իրավունքներ եւ պատասխանատվություն. պատերազմի հետեւանքները» առաջին միջազգային համաժողովի մասնակիցներին:



Հայցելով Վեհափառ Հայրապետի օրհնութիւնը՝ «Ծշմարտութեան եւ արդարադատութեան կենտրոնի» նախագահ Գոռ Մնացականեանը տեղեկացրեց, որ Հայաստան են ժամանել իրաւաբաններ եւ միջազգային իրաւունքի առաջատար փորձագէտներ 16 երկրներից՝ քննարկելու 44-օրեայ պատերազմի արդիւնքում արցախահայութեան, ռազմագերիների, տեղահանուած



անձանց իրաւունքների ոտնահարումներին եւ միջազգային արդարադատութեանն առնչուող խնդիրները:

Հանդիպմանը Նորին Սրբութիւնը, ընդգծելով միջազգային գիտաժողովի կարեւորութիւնը, յատկապէս հայ ժողովրդի համար այս դժուարին ժամանակներում, յոյս յայտնեց, որ իրաւաբաններն ու միջազգային իրաւունքի առաջատար փորձագէտները, հաղորդ կը դառնան Հայաստանի ու Արցախի առջեւ ծառացած մարտահրաւերներին եւ միջազգային հարթակներում կը պաշտպանեն հայ ժողովրդի արդար իրաւունքները:



Զրոյցի ընթացքում Նորին Սրբութիւնն անդրադարձ կատարեց նաեւ արցախեան 44-օրեայ պատերազմին եւ դրա հետեւանքներին, գերիների վերադարձման խնդրին, Ադրբեյջանի կողմից տարուող հայատեաց



քաղաքականութեանը, որն ուղղուած է ոչ միայն արցախահայութեան, այլեւ Ադրբեյջանի վերահսկողութեան տակ յայտնուած համամարդկային նշանակութիւն ունեցող կրօնական, հոգեւոր-մշակութային կոթողների դէմ:



Հայոց Հովուապետը նաեւ իր գնահատանքը փոխանցեց գիտաժողովի կազմակերպիչներին եւ մասնակիցներին նման կարեւոր նախաձեռնութիւն դրսեւորելու համար՝ փորձելով նպաստել յետպատերազմեան դժուարութիւնների յաղթահարմանը:



Հանդիպմանը Վեհափառ Հայրապետը պատասխանեց նաեւ հիւրերի հարցերին, որոնք առնչուում էին հայկական հոգեւոր արժեքների պահպանութեանը եւ այդ ուղղութեամբ Մայր Աթոռի կողմից իրականացուող աշխատանքներին:

Հայկական Լուրեր

Ընդդիմութեան Յաջորդ Մեծ Հանրահաւաքը Այսօր



«Դիմադրութիւն» շարժումը յայտարարած է Յունիսի 8-9-ի իր ընդլիցներուն մասին: Ըստ այդմ՝ Յունիսի 8-ին՝ ժամը 20:00-ին, Ֆրանսայի հրապարակին մէջ տեղի ունենացաւ «Հայաստանը երէկ, այսօր եւ վաղը թեմայով» քննարկում, որուն պիտի մասնակցին ԱԺ «Հայաստան» եւ «Պատիւ ունեմ» խմբակցութիւններու պատգամաւորները: Իսկ Յունիսի 9-ին՝ ժամը 19:30-ին, Ֆրանսայի հրապարակին վրայ տեղի պիտի ունենայ հանրահաւաք:

Միջազգային Լուրեր

Եւրոխորհրդարանը Դարձեալ Կոչ Ըրած Է Թուրքիոյ Ճանչնալու Հայոց Ցեղասպանութիւնը

Եւրոխորհրդարանը ձայներու 448 կողմ, 67 դէմ, 107 ձեռնպահ յարաբերակցութեամբ ընդունած է Թուրքիոյ առնչութեամբ տարեկան գեկոյցը: Փաստաթուղթին մէջ անդրադարձ կայ նաեւ Հայաստանի հետ Թուրքիոյ յարաբերութիւններուն եւ Հայոց Ցեղասպանութեան ճանաչման հարցին: Զեկոյցը, յղում ընելով Եւրոխորհրդարանի 2015 Ապրիլ 15-ի գեկոյցին,

կրկին կոչ ուղղած է Թուրքիոյ ճանչնալու Հայոց Ցեղասպանութիւնը: Եւրոխորհրդարանը մտահոգուած է, որ Թուրքիոյ արտաքին քաղաքականութիւնը վերջին տարիներուն կը հակասէ Եւրոմիութեան արտաքին եւ անվտանգութեան քաղաքականութեան ընդհանուր առաջնահերթութիւններուն՝ Կովկասի մէջ:

Քաղաքական առակագրություն - 1

Լիբանանցիին Քաղաքականացումների Պատրանքը

ԱՆՐԱՆԻԿ ՏԱԳԵՍԵԱՆ

ՄՈՒՏՔ

Միրելի ընթերցող, երկար ժամանակ է չգրեցի, որովհետև – թերևս – կը դժուարանայի գտնել մտածումներս ու դիտարկումներս արտայայտելու յարմար ձևաչափը: Կը կարծեմ՝ հիմա գտած ըլլալ եւ ուրեմն, այսուհետեւ, քաղաքական առթեայ դրուագներու դիտարկումներու մէջ պիտի յայտնաբերեմ առակային գաղափարներ, որպէսզի իբրեւ առակ կարդանք զանոնք, նկատենք զանոնք եւ գիտնանք զանոնք: Իսկ զանոնք գործարդելը... հայերս քիչ առակներ գիտենք – առաւել եւս՝ թրքերէն – անոնցմէ քանի՞ն կը կիրարկենք, կամ նկատի կ'առնենք...:



Իսկ եթէ քիչ նկատի կ'առնենք՝ ապա ինչու՞ կը գրեմ: Որովհետեւ մարդ կրնայ ձին գետափ տանիլ բայց չի կրնար ստիպել ձիուն՝ խմել գետակին ջուրը: Ատիկա ձիուն գիտնալիքն է: Արդ, իբրեւ փոքր երկրի քաղաքացի (լիբանանցի), նաեւ իբրեւ փոքրաթիւ ազգի անդամ (հայ), հիմնական տեսադաշտս Լիբանանն է ու Հայաստանը, բայց նաեւ քիչ մըն ալ աշխարհաքաղաքացի ըլլալով, դիտաշխարհս դարձած է աշխարհը: Այլ խօսքով, դիտարկումներս պիտի քաղեմ Լիբանանէն, Հայաստանէն կամ ընդհանրապէս աշխարհի յուրերէն: Այսինքն դիտարկումներս կու գան աշխարհի այն առթեական միլիոնաւոր դէպքերէն որոնք կը պատահին. ո՛չ: Դիտարկումներս կու գան այդ միլիոնաւոր դէպքերուն այն հազարաւոր լրատուութիւններէն՝ որոնք կը հրամցուին երկրագունդի լսողներուն. նորէն ո՛չ:

Ա՛յլ:

Ես՝ երբեմն յոգնած, յաճախ զգուած, ուրիշ ատեն՝ ձանձրացած կամ հիսաթափած կամ անյուսութեան մատնուած ըլլալով մեր առթեայ մաղուած-բանաձեւուած-լրամշակուած ձեւով հրամցուած այդ հազարաւոր լուրերէն ոմանք պատահաբար ականջիս կը հասնին: Երբեմն ալ, սակայն, հետաքրքրամոլութեամբ կը փնտռեմ զանոնք, կամ իրենք ականջս, աչքս, մանաւանդ՝ միտքս կը ծակեն, ինծի կը կախուին...:

ՆԻԺԹԻՍ ՄԻԶՈՒԿԸ

Անցնիմ նիւթիս:

Լիբանանցիներուս համար կ'ըսեն թէ շէշտակիօրէն քաղաքականացած ենք, ու մենք հպարտ կը զգանք մեր քաղաքականացումներէ: Բայց մտածենք՝ եթէ այսքան քաղաքականացած ենք եւ արդիւնքը այսքան սնանկացում (դուք ուզածնիդ շարեցէք) երկիր մըն է Լիբանանը, հապա միւս երկիրներն ու անոնց ժողովուրդները (որոնք ըստ մեր մեծամտութեան կամ ըմբռնումին՝ մեզի չափ քաղաքականացում չեն) ի՞նչպէս են արդեօք:

Ճիշտ է, քաղաքականացած ենք, բայց այս իսկ օրերուն մեր քիթին տակէն ամէնայն ճարպիկութեամբ եւ ի՞նչ ճարտարօրէն կը բեմադրեն Լիբանանի հարաւային ծովեզերքի նաֆթի ազգային հարստութեան առգրաւումը, առեւանգումը, յափշտակումը, սեփական նպատակներու համար օգտագործումը:

Քաղաքականացած ենք թէ՛ մեր քաղաքական դաստիարակմամբ, որոշ ուղղութեամբ տարուելով կուրցուած ենք մենք:

Երկու բացատրութիւն կայ մտքիս մէջ.-

Կամ այն որ մեզ յոգնեցուցած-սպառած-հիասթափեցուցած-յուսաբեկած են եւ մենք այլեւս քաղաքական մեր շահերուն իսկ աչալուրջ չենք, չենք հետաքրքրուած...:

Կամ ալ մեր քաղաքական համակարգային արժեքափոխումներէն ըլլալով **տեղայնական** (աշխարհագրական, կրօնական (իսլամ-քրիստոնէայ), **համայնքային** (մարոնիթ-սիւնիթ-շիի-հայ առաքելական-յոյն օրթոտոքս եւն.), կուսակցական (*թալլար*-հոսանքներն են եւն.) ակնոցներու, ասոնցմէ դուրս բան չենք տեսներ: Մենք համալիբանանեան առումով աչազուրկուած ենք:



ՌԱԿ-ի Համադրուած Մամուլ

Տեսակետ

Արցախեան Անելին Հանգոյցալուծման Միակ Ուղին

Դոկտ. ԱՐՇԱԿԻՐ ԿԵՕՆՃԵԱՆ

Հայաստանի իշխանութեանց դիմագրաւած տագնապալից բազմաթիւ հարցերու շարքին Արցախեան հիմնախնդիրը իր ազգային տարողութեամբ ամենախորին եւ մտահոգիչ հարցն է այսօր:

Փաշինեանին գլխաւորած իշխանութեան աշխատածելին հետեւողին համար, ամենավատեցուցիչ երեւոյթը այն է որ Արցախեան հարցով յստակ ուղղութեան բացակայութիւն կը տիրէ յատկապէս 44-օրեայ պատերազմէն ետք:

Անորոշութիւն եւ յաճախ պարտուողականութիւն դրսեւորող այս կեցուածքը անելի եւս ահագանգային դարձաւ երբ վարչապետ Փաշինեան Ապրիլի 13-ին Ազգային ժողովին մէջ իր ունեցած երկար ելոյթով ընդհանուր ընդգծում ստեղծեց բացայայտօրէն յայտարարելով թէ հայ ժողովուրդը պետք է վարժուի համակերպուիլ այն իրականութեան հետ թէ Արցախը պիտի վերադարձուի Ատրպէյճանին:

Սպասուած համատարած ազգային դատապարտութեան այլքին ճնշման տակ Փաշինեան յաջորդող օրերուն՝ սկսաւ անյաջող ձեւերով ջանալ դրժել այն ինչ որ ըսած էր իր ելոյթին մէջ...:

Մէկ խօսքով յայտնի է թէ ինք եւս Արցախի հարցով շուարած է:

Ընդդիմութիւնը այս առիթը բնականաբար առաւելագոյն չափով օգտագործեց Ազգային ժողովին մէջ իր ստեղծած ամօթալի քառսը գազաթնակետին հասցնելով: Ապրիլի 25-ին մինչ պոռչուողներու մէջ բոլորը մէկ ոտքի ելած կ'ուղղուէին դէպի փողոց, Փաշինեան իրենց ետեւէն աղաղակեց *«Մնացէք այստեղ որպէսզի ձեր աչքերուն նայելով բացայայտեմ թէ Արցախը Ատրպէյճանին յանձնելու յանցագործութեան պատասխանատուները դուք էք եւ ձեր ղեկավարներն են...»*: Ընդդիմադիրները արդէն իսկ փողոցն էին եւ տակաւին հոն են, իրենց անհեռանկար եւ անծրագիր ապարդիւն ցոյցերով:

Ահա այս խորապէս մտահոգիչ համայնապատկերին մէջ է, որ վերջապէս, յանկարծ մի քանի օր առաջ Մայիսի 25-ին՝ վարչապետ Փաշինեան, Ազգային ժողովին մէջ, ընդդիմութեան պարապ աթոռներուն առջեւ՝ կատարեց իր վերը խոստացած եւ սպառնացած բացայայտումը: Ան սկսաւ ըսելով *«Այն ինչ պետք է ասեմ՝ երկար ժամանակ ձեռնպահ էի մնում...»*: Փաշինեան բացայայտման իր այս նոր ելոյթով, առաջին անգամ ըլլալով կատարեց տրամաբանական յաջորդական թուարկումներ: Ան սկսաւ Արցախեան 1994-ի զինադադարէն, եւ թուարկելով անոր յաջորդող բոլոր հանգրուանները եւ համաձայնագրերը, փաստեց թէ այդ օրերու Զոչա-րեանական ղեկավարութիւնը, որ նաեւ ղեկավարութիւնն է այսօրուան ընդդիմութեան, իր դիւանագիտական ձախաւեր քայլերով, ինքն է պատասխանատուն Արցախը Ատրպէյճանին յանձնելու յանցագործութեան մէջ:

Մէկ խօսքով ջանաց եզրականացնել թէ ինք պարզապէս ժառանգորդն է նախորդներուն կողմէ կատարուած այդ սխալներուն, եւ վերջ:

«Հակիրճ» ըլլալ ջանալով հանդերձ գլխաւոր այս տուեալներուն «երկար» վերաքաղը անհրաժեշտ է որ հասնինք այս յօդուածին գլխաւոր կիզակետին որն է Արցախեան խնդիրը եւ Փաշինեանը այս անելին դուրս գաշելու համար առաջարկել հանգոյցալուծման առաջնորդող տրամաբանական միակ ուղին:

Շար. էջ 06

Առակս զի՞նչ ցուցանէ:

Այն՝ թէ կարելի է զանգուածը արթուն պահել ուղղութեան մը վրայ, մինչ անդին այլ ուղղութեամբ ճիրիթ խաղալ: Կամ՝ մեր լա՛յն տեսադաշտին մէկ բաժնին վրայ լուսարձակ բանալ եւ բեմադրութիւն սարքել, մինչ անդին մութ մնացած տարածքին գետերէն ուրիշ ջուրեր հոսեցնել:

...

Կը յիշե՞նք «աղջիկս քեզի կ'ըսեմ՝ հարս դուն հասկցիր»ը:

Հիմա ալ՝ լիբանանցիներուն կ'ըսեմ, բայց հայերը (նաեւ Հայաստանաբնակները) եթէ կ'ուզեն՝ թող հասկնան:

Կեանքը Պէյրուսի Վահան ԹԵՔԵՆԱՆ Վարժարանէն Ներս

Մարզական Օր

Վերջապէս 2021-2022 դպրոցական տարեշրջանը կը մօտենայ իր ավարտին: Ամալկերջի քննութիւնները չսկսած, ունեցանք մեր տարեկան Մարզական Օրը: Ան անցաւ մեծ խանդավառութեամբ, որուն ներկայ եղան մեր վարժարանի նախկին շրջանաւարտներէն ոմանք, որոնք նաեւ իրենց մասնակցութիւնը բերին մարզական խաղերուն: Հաճելի երեւոյթ մըն էր տեսնել հայր ու որդի թէքեանցիներ միասին շրջափակէն ներս:



Մարզական օրուան բացումը սկսաւ խորհրդանշական ջահավառութեամբ, որմէ ետք ընթացք առին մարզական խաղերը, որուն մասնակից դարձաւ մեր վարժարանի ամբողջ աշակերտութիւնը՝ Մանկա-մսուրէն մինչեւ Միջն. Գ. դասարան:



Դադարին տեղի ունեցաւ ճոխ հիւրասիրութիւն: Մեր վարժարանի ճնողաց Յանձնախումբի ժրջան տիկիները իրենց ներկայութեամբ, թէ՛ հիւրասիրութիւնը կատարեցին



եւ թէ՛ խանդավառ մթնոլորտ մը ստեղծեցին:

Հիւրասիրութենէն ետք խաղերը շարունակուեցան եւ իրենց ավարտին հասան կողովագնդակի մրցաշարքով, որուն մաս կազմեցին նախկին շրջանաւարտներէն խումբ մը:

Վերջապէս տեղի ունեցաւ մետալներու բաշխում եւ հաւաքական խմբակարում:

Կ'ուզենք մեր խորին շնորհակա-

լութիւնը յայտնել բոլոր անհատ բարերարներուն, որոնք իրենց նիւթաբարոյական նեցուկով, ինչպէս նաեւ հիւրասիրութիւններ տրամադրելով սատարեցին Մարզական օրուան յաջողութեան:

Վարձքը կատար բոլորին:



Լիբանանահայ Դպրոց

Մեսրոպեան Վարժարանի ՇՈՒՇԻ Պարախումբը Վերադարձաւ Բեմ “Յոյսի Թելերուն Վրայ”

4 Յունիս 2022-ին Հայ կաթողիկէ Մեսրոպեան բարձրագոյն վարժարանի “Շուշի” պարախումբը գլխավորաբար համավարակին պարտադրած պայմաններուն բերումով երկու տարուան դադարէ ետք կրկին բեմ վերադարձաւ եւ հանրութեան ներկայացաւ տպաւորիչ ելոյթով մը, որ մեծ խանդավառութիւն ստեղծեց հանդիսատեսներուն մէջ:



ճաշակով, ինչպէս նաեւ պարողներու ակնյայտ խանդավառութեամբ եւ լաւապէս պատրաստուած կատարումներով:



“Յոյսի Թելերուն վրայ” վերնագրուած ելոյթը տեղի ունեցաւ Պուրճ Համուտի “Յովհաննէս Պողոսեան” վերանորոգուած թատերասրահին մէջ, որ ծայրէ ծայր գրաւուած էր ծնողներու, բարեկամներու եւ հիւրերու ներկայութեամբ. շատեր ելոյթին հետեւեցան առցանց՝ ուղղակի սփռումի ճամբով:



“Շուշի” պարախումբին երկու ենթախումբերը՝ Մեսրոպեանի ներկայ եւ նախկին սաները կատարեցին 16 պարեր, գերակշռաբար՝ հայկական, ինչպէս աւանդական, նոյնպէս եւ արդի մշակումներով: Ընդհանուր հաշուով բեմ բարձրացան 27 պարողներ, որոնք յաջողեցան ներկաներուն պարզեւել գեղարուեստական վայելքի յիշարժան պահեր: Պարախումբին ելոյթը յատկանշուեցաւ պարային հետաքրքրական բեմադրութիւններով, բեմի, տարազներու եւ երաժշտական ձեւաւորման բարձր



ելոյթի բացման խօսքին մէջ Մեսրոպեան վարժարանի ուսուցչուհիներէն տիկին Սօւէ Գասպարեան պարախումբին անունով ոգեկոչեց յիշատակը առաջին պարուսոյց, վաղամեռիկ Յարութ Գարաճեանին, ինչպէս նաեւ Մեսրոպեանի շրջանաւարտ եւ պարախումբի անդամ Ճէսիքա Պէզճեանին, որ զոհ գնաց Օգոստոս 4-ի Պէյրութի Նաւահանգիստի սարսափելի պայթումին: Ան շնորհակալութիւն յայտնեց Մեսրոպեանի տնօրէն պարոն Կրէկուար Գալուստին, որ միշտ ներկայ եղաւ պարախումբի կողքին, աջակցեցաւ ամէն կերպ ու քաջալերեց պարողները՝ լաւագոյնը տալու համար այս ելոյթին:



Ուսուցչուհի Ռուլա Սարգիս իր հերթին հպարտութիւն յայտնեց, որ դասերուն կողքին, Մեսրոպեանի աշակերտները շաբաթական դրութեամբ դպրոց կը ներկայանային այս գիշերուան ելոյթի փորձերուն համար՝ ջանասիրաբար, լրջութեամբ եւ պատասխանատուութեան զգացումով: “Արդիւնքը աւելի քան պատուաբեր է եւ ոգեւորիչ”, ըսաւ ան: Փակման խօսքին մէջ, Մեսրոպեանի տնօրէն պարոն Կրէկուար Գալուստ

ըսաւ, որ այս ելոյթը ըստ էութեան պոռթկում մըն էր ի պատասխան այն դժբախտութիւններուն, որոնք հարուածեցին Լիբանանահայութիւնը՝ տեղական թէ համահայկական առումներով: Ծիծղ է, որ մենք կորսնցուցինք Շուշի քաղաքը եւ արցախեան վերջին պատերազմին տուիք զոհեր ու վիրաւորներ՝ մեր հարազատներէն, սակայն այսօրուան ելոյթով մեր նոր սերունդի տղաքն ու աղջիկները եկան ըսելու, որ պայքարը կը շարունակուի, եւ մենք անպայման պիտի վերահաստատենք յաղթութեան դրօշը մեր հայրենիքի բոլոր տարածքներուն վրայ, ըսաւ պարոն Գալուստ: Ան աւելցուց, որ ելոյթը նաեւ պատասխան մըն է այն դժուարին իրավիճակին, որուն մէջէն Կանցնի Լիբանանը վերջին քանի մը տարիներուն, եւ զորս յաղթահարելու կամքն ու վճռականութիւնն է որ արտայայտեցին պարախումբի անդամները՝ իրենց պարերով ու ելոյթի կազմակերպիչները՝ իրենց ամենօրեայ հետեւողական աշխատանքով:



Մեսրոպեանի տնօրէնը շնորհակալութիւն յայտնեց պարախումբի ամբողջ անձնակազմին՝ աշակերտներուն, պարուսոյց ԱՕ Գարաբէշիշեանին, նախկին պարուսոյց Սարին Արթինեանին, քուլիսներու ետին աշխատողներուն եւ ի վերջոյ ծնողներուն, առանց որոնց քաջալերանքին եւ նեցուկին դժուար թէ կարելի ըլլար հասնիլ այս արդիւնքին:



Պարուսոյց ԱՕ Գարաբէշիշեան վճռական դերակատարութիւն ունեցաւ վերականգնելու Շուշի պարախումբին կանոնաւոր փորձերը՝ երկու տարուան դադարէն



ետք: Ան ոչ միայն կատարեց պարերու բեմադրութիւնը եւ ղեկավարեց փորձերը, այլ նաեւ իրականացուց ելոյթին հետ կապուած գեղարուեստական միւս աշխատանքները, որոնց շարքին՝ բեմի եւ պարերու խորապատկերներուն իւրայատուկ եւ գեղեցիկ ձեւաւորումը: Նախկին պարուսոյց Սարին Արթինեան հեռակապով յուզիչ խօսք մը ուղղեց ներկաներուն Շուշիէն, ուր ան ներկայիս Կապրի, շեշտելով իր մշտական կապուածութիւնը պարախումբին՝ լաւագոյն յիշատակներով:



Պարոն Կրէկուար Գալուստ յատուկ շնորհակալութիւն յայտնեց Պողոսեան հիմնադրամին, որուն հովանաւորութեամբ վերջերս իր աւարտին հասած էր Յովհաննէս Պողոսեան թատերասրահին շքեղ վերանորոգութիւնը, ինչ որ մեծապէս նպաստեց ելոյթի բարձրամակարդակ կազմակերպումին եւ հետագային Նոյն ձեւով պիտի ծառայէ նաեւ այլ ձեռնարկներու:

**Տեղեկատուական գրասենեակ
Հայ Կաթողիկէ Մեսրոպեան
Բարձրագոյն Վարժարանի**



ՌԱԿ-ի Համադրուած Մամուլ

Տեսակետ

Արցախեան Անեւին Հանգոյցալուծման Միակ Ուղին

Սկիզբը էջ 03

Առաջին հերթին, գնահատելի է վարչապետ Փաշինեանին կատարած այս ջանքը ուր առաջին անգամ ըլլալով ան յստակ կերպով կը բացատրէ Արցախեան հարցին հետապնդման մէջ իր դիմագրաւած դժուարութիւնը, որուն նաեւ հետեւեալներն է որ մեզի համար մինչեւ այսօր անյայտ եւ անհասկնալի կը մնար իր ցուցաբերած Արցախեան անհետեւողական ռազմավարութիւնը: Վերադառնանք ուրեմն Մայիս 25-ին Ազգային ժողովին մէջ իր «բացատրողական բացայայտման»: Փաշինեան սկսաւ ճշգրտօրէն վերլուծել թէ Արցախը իր անկախութեան իրաւունքը եւ վաւերականութիւնը անժխտելիօրէն հիմնած է, 1991 Ղեկտեմբեր 10-ին ընդունուած բոլոր օրէնքներուն համաձայն կայացուցած հանրաքուէին յաջող արդիւնքին վրայ:

Արդարեւ այսօրուան Ատրպէյքանը անկախ հռչակուած է 1991 Ղեկտեմբերի 24-ին երբ այլեւս Արցախ օրինաւոր կերպով մաս չէր կազմեր անոր: Ահա թէ ինչու ներկայ Ատրպէյճանը ակնյայտօրէն տարածքային ոչ մէկ օրինական իրաւունք ունի եւ կամ կրնայ ունենալ Արցախին նկատմամբ: Միջազգային այս յստակ հասկացողութեան հիման վրայ է որ Արցախ որպէս անկախ եւ անջատ երկիր ստորագրած է 1994-ի զինադադարը: Նոյնպէս աւելի վերջ, որպէս անկախ երկիր է որ ան կը մասնակցէր Հայաստանի եւ Ատրպէյճանի, յաջորդող բանակցութեանց նստելով անոնց հետ նոյն կլոր սեղանին շուրջ:

Ձախաւերութիւնը եւ դիւանագիտական հիմնական սխալը եւ յանցանքը կատարուած է երբ Զոհարեանի համաձայնութեամբ եւ իր Նախագահութեան օրերուն յանկարծ Արցախ դուրս ձգուած էր բանակցութեանց գործընթացէն եւ այդպիսով աստիճանաբար անոր անկախ երկրի նկարագիրը մնացած է շուրջ մէջ եւ ի վերջոյ անյայտացած...

Փաշինեան իր «բացատրողական բացայայտումներուն» մէջ նոյնպէս ճշգրտօրէն մատնանշեց թէ Զոհարեանի Նախագահութեան օրերուն է որ Մատրիտեան համաձայնագիրը վերջին հարուածը տուած է Արցախին անկախութեան հասկացողութեան, երբ այդ համաձայնագրին մէջ Ատրպէյճան սպորդեցուցած է պայմանը որ կը նախատեսէ Արցախի մէջ Նոր հանրաքուէ մը կատարել՝ նոյն ինքն Ատրպէյճանի հսկողութեան ներքեւ... Այդպէսով 1991 Ղեկտեմբեր 10-ի օրինական հանրաքուէն որ կեդրոնական հիմնաքարն է Արցախի այլապէս կայացած անկախութեան, չեզոքացած է յաշտ Ատրպէյճանին եւ Մատրիտեան համաձայնագրի միւս ստորագրողներուն...:

Կարելի չէ ժխտել թէ կատարուածը դիւանագիտական հսկայական սխալ մըն է:

Հետեւաբար հասկնալի է թէ ինչու Մայիս 25-ի իր «բացատրական բացայայտումներուն» վերջաւորութեան, Փաշինեան կրկնակի կերպով բացականչեց թէ այս բոլորը կը փաստեն թէ իրեն փոխանցուած Արցախեան հարցին ներկայ տագնապալից վիճակը անվիճելիօրէն արդիւնքն է ընդդիմադիր Հայաստան դաշինքին Զոհարեանական ղեկավարութեան ձախաւեր սխալներուն:

Այս հանգրուանին է սակայն, որ կ'ուզենք մատնանշել Փաշինեանին թէ իր եզրակացութիւնը սխալ է երբ կը շարունակէ յայտարարել թէ ինք ստիպողաբար կ'ենթարկուի Նախկիններուն սխալներուն հետեւանքներուն:

Արդարեւ ճիշդ այստեղ է Արցախեան անեւին հանգոյցալուծման բանալին:

Փաշինեան եւ իր գլխաւորած իշխանութիւնը իրաւականօրէն պէտք է պատճառաբանեն թէ իրենք բնական շարունակութիւնը չեն իրենց Նախորդող սխալական համակարգերուն: Իրենք յեղափոխութեամբ է որ ձեռք առին իշխանութիւնը, յստակ յայտարարուած ուղեգիծ ունենալով թէ իրենք պիտի շրջեն Նախկիններուն սխալները: Հետեւաբար սխալներէն մեծագոյնը հանդիսացող անոնց Արցախեան քաղաքականութիւնը ևս իրենք ազատ պէտք է զգան սրբագրելու:

Փաշինեանի յեղափոխական իշխանութիւնը պէտք է պահանջէ վերադառնալ 1994-ի զինադադարի դիրքորոշումներուն, այսինքն Արցախը՝ իր

1991-ի հանրաքուէին ոյժով որպէս անկախ երկիր՝ ետ բերել բանակցութեան սեղանին շուրջ գրաւելու իր թափուր աթոռը: Նոյնպէս Փաշինեանի իշխանութիւնը ինքզինք ձերբազատուած պէտք է նկատէ Նախորդ իշխանութիւններու որոշ համաձայնութիւններէն որոնց շարքին է Մատրիտեան համաձայնագրին այն յօդուածը ուր կ'ակնարկուի Արցախի մէջ Նոր հանրաքուէ մը կատարուելուն:

Բնականաբար այս բոլորը կ'ենթադրեն եւ կը պահանջեն Հայաստանեան դիւանագիտական բացառաբար կարող, արհեստավարժ եւ ինքնավստահ անձնակազմ մը:

Արցախեան հարցին այսօրուան ցաւոտ, չըսելու համար յուսահատական, վիճակը, արդիւնքն է անոր նկատմամբ հայկական յստաւոկ կեցուածքի եւ քաղաքականութեան մը ակնյայտ բացակայութեան:

Այդ կեցուածքը պարտադրաբար պէտք է կատարելապէս համադրուած ըլլայ Հայաստանի եւ Արցախի միջեւ: Որոշ է նաեւ թէ Արցախ երբեւիցէ չի կրնար անգամ մը եւս ենթարկուիլ Ատրպէյճանին: Ի վերջոյ երբ հայկական կողմը կատարեալ յստակութեամբ եւ վստահութեամբ աշխարհին չներկայացնէ իր արդարացուած կեցուածքը, կարելի չէ երբեք ակնկալել որ այդ հարցին առնչուող միւս կողմերը որեւէ կերպ հայոց համար նպաստաւոր դիրք որդեգրեն:

Այսպէս ուրեմն եզրականացնելով, Հայաստան պէտք է ինքնավստահ ըլլայ երբ կը յայտարարէ թէ իր քաղաքականութիւնը բացարձակ խաղաղութեան քաղաքականութիւն է որովհետեւ ինչ կը վերաբերի հայկական Լեռնային Ղարաբաղին՝ այսինքն Արցախին, անոր անկախութիւնը օրինաւոր է նոյնիսկ յաշտ Ատրպէյճանին, միջազգային բոլոր օրէնքներու ոյժով, ինչպէս բազմիցս հաստատուած է, հիմնաքար ունենալով 1991 Ղեկտեմբեր 10-ի հանրաքուէի արդիւնքը:

Այս բոլորին վրայ կաւելնայ Զոհրաբ-ի միջազգայնօրէն ընդունուած Նախադէպը որ աւելի եւս անկարելի կը դարձնէ Արցախի որեւէ ձեւով վերադարձը Ատրպէյճանին:

Վարչապետ Նիկոլ Փաշինեան եւ իր իշխանութիւնը որպէս 2018-ի գուցէ Թաւշեայ՝ սակայն ամենայն դէպս՝ յաջող յեղափոխութեամբ Հայաստանի ղեկավարութիւնը ստանձնողներ, ձերբազատուած կրնան ըլլալ եւ պէտք է յայտարարեն, Նախորդ իշխանութիւններու բոլոր սխալներէն:

Միայն օրինականօրէն արդարանալի այս ուղին որդեգրելով է որ անոնք կրնան, եւ պէտք է, ձերբազատուին այսօրուան իրենց Արցախեան անել կացութենէն:

«Ապագայ»

Միջազգային Լուրեր

Եւրոխորհրդարանը Դարձեալ Կոչ Ըրած է Թուրքիոյ Ճանչնալու Հայոց Տեղասպանութիւնը

Սկիզբը էջ 02



Ան բարձր գնահատած է Թուրքիոյ եւ Հայաստանի որոշումը՝ սկսելու երկկողմ շփումները, եւ կոչ ուղղած է ԵՄ-ին՝ աշխուժօրէն աջակցելու այդ գործընթացին: Նաեւ կոչ ուղղած է Թուրքիոյ՝ ճամբայ հարթելու թուրք եւ հայ ժողովուրդներու իրական հաշտեցման համար եւ ամբողջութեամբ կատարելու հայկական մշակութային ժառանգութիւնը պաշտպանելու իր պարտաւորութիւնները:

Չեկոյցին մէջ թրքական իշխանութիւններուն կոչ ուղղուած է աշխուժացնելու ջանքերը՝ երկրին մէջ հայերու եւ այլ ազգային փոքրամասնութիւններու հարցերուն արդիւնաւետ լուծման համար:

Եւրոխորհրդարանը նաեւ կոչ ուղղած է ԵՄ անդամ երկիրներուն՝ քննարկելու «Գորշ գայլերու» արգելքը իրենց երկիրներուն մէջ:

ՆԱՄԱԿԱՆԻ

Վրիպակի մը Առիթով Մի Սխալ Իմ Կողմից

Մինչև այսօր սփիւռքի երկու թերթ հրատարակել է իմ գրախօսականը՝ Պարոյր Սեւակի «Ամանեջ» վեպի մասին (ԶԱՐԹՈՆԵՐ, 4 Յունիս 2022, էջ 5 – խմբ.): Ուրիշ թերթերից եւ առցանց էջերից տեղեկություն ստացայ, որ նրանք էլ կը հրատարակեն:

Ուզում եմ տեղեկացնել ընթերցողներին, որ իմ կազմած այդ գրութեան մէջ կայ մի սխալ - Գրել էի, որ գիրքը կազմող Սեւակ Ղազարեանը Պարոյր Սեւակի որդին է: Դա սխալ է. նա Պարոյր Սեւակի թոռն է՝ Արմենակ/ Արմեն Սեւակի որդին: Պարոյր Սեւակի միւս որդու անունը Կորին է: Ես նրան հանդիպել եմ երկու անգամ: Սխալը իմ կողմից էր, քանի որ դա գրեցի

յիշողութեամբ: Նախապես պիտի ստուգէի, բայց գրեցի յիշողութեամբ: Հայցում եմ ձեր ներողամտութիւնը:

Այս սխալն ինձ ասաց պարոն Սեւակ Յակոբեանը՝ Լիբանանի Չարթօնք օրաթերթի խմբագիրը: Նա ինձ գրեց, երբ արդէն իմ գրախօսականը տպագրուել էր Չարթօնքում: Հաւանաբար նրան այս մասին ասել են թերթի ընթերցողները: Շնորհակալութիւն պարոն Յակոբեանին:

ՌՈՒԲԻՆԱ ՕՅԱՆԵԱՆ
Լոս Անճելըս

***Այս առիթով մենք ալ մեր կարգին մեր ընթերցողներուն ինչպէս նաեւ յարգելի պրն. Սեւակ Ղազարեանին ներողամտութիւնը կը խնդրենք բաց թողուած այս ակամայ վրիպակին համար:**

«Խմբ.»

ԲԱՆ ՈՒ ԳԻՐ

Գարահիսար լեռան կրծքին՝
Նա էլ ընկաւ վիրաւոր,
Կուրծքը պատռած, սիրտը խոցուած
Չար թշնամու գնդակով:

Ժեռուտ լեռան լերկ կատարից
Վա՛ր սլացիր, սև արծի՛ւ,
Թւերդ բաց, լայն թւերդ
ՈՒ ջիվանուն հո՛վ արա:

Խոցուած սրտից մուգ արիւնդ
Կաթիլ-կաթիլ կը ծորա...
Ախ, ջիվանա կեանքն է հոսում
Յաւոտ կրծքի լայն վերքից...

Ժեռուտ լեռան լերկ կատարից
Վա՛ր սլացիր, սև արծի՛ւ,
Թւերդ բաց, լայն թւերդ
ՈՒ ջիվանուն հո՛վ արա:

Առողջապահական

Գիտնականները Նեարդակենսաբանական Մօտել Կը Ստեղծեն


Հարաւային Ափրիկէի, Աւստրալիոյ եւ Պրենսէի մէջ գտնուող Ճէյքլափի համալսարանի նեարդակենսաբանները համակարգչային «մօտել» մը մէջտեղ բերած են, որ ստեղծագործական գործընթացները կը բաշխէ ուղեղի «նիւրոնային» ցանցերուն:

Ստեղծագործական գործունեութենէն մեկնելով այդ ցանցերը կրնան տարբեր ձեւով դասաւորուիլ: Հետազոտութեան արդիւնքները վերջերս հրապարակուած են Neuroscience & Biobehavioral Reviews ամսագրին մէջ, որ նոր, օգտակար եւ անսպասելի լուծումներու ստեղծումն է:

Հետազոտողները կը պնդեն, որ յարակից ճանաչողական գործընթացները, ինչպէս՝ վերացականութեան, «իմփրովիզէշըն»ի կամ տարբեր մտածողութեան կարողութիւնը, կ'ազդեն ուղեղի զանազան հատուածներուն վրայ, որոնք փոխկապակցուած են:

Այս տարածքները կը ներառեն ուղեղիկը, «հիփոքեմիլը»ը, նախաճակատային կեղեւը եւ «պէյզըլ կանկիա»ն: Գիտնականները եզրակացուցած են, որ ստեղծագործութեան տեսակէն կախեալ՝ կ'աշխուժանան տարբեր ոլորտներ:

Նմանութիւնները եւ տարբերութիւնները ստեղծարարութեան այս տեսակներուն եւ անոնց



«նիւրոնային սքեմաներուն»ն միջեւ նկարագրուած են «մօտել»ին կողմէ՝ «ալկորիտմ»ներու օգնութեամբ: Տոփամիւր որպէս «մոտիվէշըն» կարելորդ դեր կը խաղայ՝ ստեղծագործական նեարդային ուղիները վերահսկելու հարցին մէջ:

Վերոնշեալ «մօտել»ին շնորհիւ գիտնականները առաջին անգամ ստեղծագործական երեք ձեւերու միջեւ միասնական շրջանակ կը ստեղծեն: Նեարդակենսաբանները նշած են, որ այսպիսով յոյս ունին նպաստելու նեարդային «մեքանիզմ»ներու աւելի լաւ ըմբռնման եւ աւելցուցած, որ այս «մեքանիզմ»ներու մասին կարելի եղած չափով շատ տեղեկացուած ըլլալու պարագային, կարելի է նպաստել ուղեղի խանգարումներ ունեցող մարդոց համար խոստմալից միջամտութիւններ իրագործել:

Կարելի՞ է Երիտասարդացնել Մարդը. «Պենճըմըն Պաթոնի Էֆեքթ»

Հարվըրտի բժշկական դպրոցի մոլեքիւլային կենսաբան Տէյվիտ Սինկլըրի տարրալուծարանին մէջ ծեր մուկերը դարձեալ կ'երիտասարդանան: Օգտագործելով սպիտակուցներ, որոնք կրնան ծերացած բջիջը վերածել ցողունային բջիջի, Սինկլըր՝ իր խումբին հետ միասին վերադարձուցած են մկաններու ծերացող բջիջները իրենց աւելի կանուխ տարբերակներուն: Խումբին առաջին յայտնագործութեան ժամանակ, որ հրապարակուած է 2020ի վերջաւորութեան, վատ տեսողութեամբ եւ վնասուած ցանցաթաղանթով ծեր մուկերը յանկարծ կրցած են դարձեալ տեսնել,

յայտնած է CNN-ը:

Ճափոնցի կենսաբժշկական գիտաշխատող, բժիշկ Շինիա Եամանաքա արդէն վերածրագրաւորած է հասուն մաշկի բջիջները, որպէսզի պահուին սաղմային կամ «փլիւրիփոթընթ» ցողունային բջիջներու պէս, որոնք կրնան զարգանալ մարմնի որեւէ բջիջի: 2007ին կատարուած յայտնագործութիւնը գիտնականին Նոպէլեան մրցանակ ապահոված է, եւ անոր «յառաջացած փլիւրիփոթընթ ցողունային բջիջները» շուտով յայտնի դարձած են իբրեւ «Եամանաքա գործօններ»:

Շար. էջ 08

ՄՇԱԿՈՒԹԱՅԻՆ ՕՐԱՅՈՅՑ

09 2022
ՅՈՒՆԻՍ

Կրկ Երկ Երք Չրք Հնգ Ուրք Շրք

			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		



ՄԱՆՈՒԿ ԱԼԱԶԱՆՈՎ
(1862 – 1934)
«Բնանկար»

Հայկական Թատրոն Ուսումնասիրության Համար

Սիրելի ընթերցող,
Լծում եմ բաղնիքի հայկական թատրոնը ուսումնասիրելու աշխատանքին: Առաջին յոթուած մը լոյս ընծայած ըլլալով Հայկազեան Հայագիտական Հանդէսի 2022/1 հատորին մէջ, ներկայիս կը ջանամ նիւթեր հաւաքել բաղնիքի հայկական կաւի թատրոն մասին (կից նկարը): Եթէ ունիք, կամ գիտէք թէ ծանօթ մը ունի, կամ տեսած էք նման կաւի թաս մը, պիտի խնդրեմ որ հաղորդակցիք հետս, որպէսզի ունենամ թասին չափագրութիւնները (կշիռը, բարձրութիւն, մետաղի հաստութիւն, տրամագիծերու չափ), մետաղի տեսակ, զարդեր եւ արձանագրութիւն (եթէ կան): Ուշագրաւ պիտի ըլլար գիտնալ նաեւ թասին պատկանելիութիւնը եւ պատմութիւնը՝ թէ ինչպէ՛ս եւ ե՞րբ դարձած է ան ձեր սեփականութիւնը:
Այս ուսումնասիրութիւնը նպատակ կը հետապնդէ հայ պղնձարուեստի սպիտակ էջերէն մէկը փաստագրել եւ համապատասխան նիւթերով ամրագրել իբրեւ հայկական պղնձարուեստի իւրօրինակ դրսեւորում: Շնորհակալ պիտի մնամ եթէ հաղորդակցիք հետս: Հեռաձայնիս թիւն է 00916 (3)712058: Իսկ ելեկտրոնային հասցէս է.- adakessian@haigazian.edu.lb , նամակատան հասցէս՝ Antranik Dakessian, Haigazian University, P.O. Box 11-1748, Riad El Solh 1107 2090, Beirut Lebanon:



**Յարգանք՝
Անդրանիկ Տազետեան**

Առողջապահական


Կարելի՞ է Երիտասարդացնել Մարդը. «Պենճըմըն Պաթոնի Էֆեքթ»

Սկիզբը էջ 07

Այնուամենայնիւ, չափահաս բջիջները, որոնք ամբողջութեամբ կը վերադառնան ցօղունային բջիջներու Եամանաքայի գործօններու պատճառով, կը կորսնցնեն իրենց ինքնութիւնը եւ պիտանի չեն երիտասարդացման համար:
Աւելի անվտանգ այլընտրանք փնտռելու համար, Սինկլըրի տարրալուծարանի «ճենթիքս»-ի մասնագետ Եուանչէն Լուս ընտրած է չորս գործօններէն երեքը եւ «ճենթիքթօրէն» աւելցուցած՝ զանոնք անվտանգ ժափի մէջ:
Չարմանալի է, բայց մուկերու աչքերուն մէջ վնասուած «նիւրոն»ները,

ուր ներարկուած են այս երեք բջիջները, երիտասարդացած են, նոյնիսկ աճած են նոր «աքսոն»ներ կամ «փրոճեքշըն»ներ ուղղէն դէպի աչքեր:
Սինկլըր նշած է, որ հետազօտութիւնը այն մասին, թէ արդեօք «ճենթիքթ»ական միջամտութիւնը, որ վերակենդանացուցած է մուկերը, կրնայ նոյնը ընել մարդոց համար, կը գտնուի կանուխ փուլերուն մէջ: Տարիներ կ'անցնին, մինչեւ մարդկային փորձարկումները աւարտին, վերլուծուին, եւ, եթէ ապահով եւ յաջող ըլլան, զանգուածային մակարդակի հասնին:

Afphil.com



ՀԱՄԱԽԱՐԲԵՐԴՑԻԱԿԱՆ ՄԻՈՒԹԻՒՆ ՊԵՅՐՈՒԹ – ԼԻԲԱՆԱՆ

Ընդհանուր Անդամական Ժողով եւ Հանգուցեալ Հայրենակիցներու Հոգեհանգստեան Պաշտօն

Նկատի առնելով երկրիս բարելաւուած առողջապահական պայմանները Միութեան վարչութիւնը այսու կու գայ ուրախութեամբ յայտնել իր յարգելի անդամներուն թէ Միութեան յաջորդ Ընդհանուր անդամական ժողովը տեղի պիտի ունենայ

Կիրակի, 19 Յունիս 2022-ին:

Հանգուցեալ Հայրենակիցներու Հոգեհանգստեան պաշտօն յաւարտ Ս. Պատարագի

Սրբոց Զառասնից Մանկանց Եկեղեցի

Ընդհանուր Անդամական Ժողով եւ Ընտրութիւն
Պատկեր Մշակութային եւ Արուեստի Կեդրոն, Նոր Մարաշ:

Այս առթիւ անգամ մը եւս կու գանք վերոյիշել Համախարբերողիական Միութիւններու Նորոգ հանգուցեալ պատուական զաւակները եւ Ս. Հոգիին Մխիթարութիւնը հայցել անոնց սիրելիներուն եւ վարչական գործակիցներուն:

Օրդ. Մարալ Անթօյեան, դաստիարակ, մտաւորական
Պրն. Գառնիկ Մկրտիչեան, Լիբանան, ազգային գործիչ
Պրն. Սամուէլ Իլանճեան, արուեստագետ, Լիբանանի ապա ԱՄՆ
Գալիֆորնիոյ վարչութիւններ

Դոկտ. Կարպիս Տէր Եղիայեան, մտաւորական, դաստիարակ,
ատենապետ Գալիֆորնիոյ Համախարբերողիական Մշակութային
Միութեան:

Լիբանանի Համախարբերողիական Միութեան վարչութիւն

Միջազգային Լուրեր

Թուրքիան Շուէտին եւ Ֆինլանտային՝ ՆԱԹՕ-ին Անդամակցելու 10 Պայման Առաջադրած Է

Անգարան Սթոքհոլմին եւ Հելսինքին 10 պայման առաջադրած է, որոնց կատարումը կրնայ դրդել Թուրքիոյ իշխանութիւնները՝ վերանայելու վերաբերմունքը ՆԱԹՕ-ին Շուէտի եւ Ֆինլանտայի անդամակցութեան: Շուէտի եւ Ֆինլանտայի ներկայացուցիչներուն պահանջներու փաթեթը ներկայացուած է Մայիս 25-ին Անգարայի մէջ տեղի ունեցած բանակցութիւններուն ընթացքին: Մասնաւորապէս, երկու երկիրները պէտք է յայտարարեն, որ կ'աջակցին Անգարային ահաբեկչական կազմակերպութիւններուն դիմակայելու հարցով եւ կ'ընդունին համապատասխան օրէնսդրական փաստաթուղթեր: Շուէտը եւ Ֆինլանտան պէտք է իրենց տարածքներուն մէջ փակեն բոլոր կազմակերպութիւնները, որոնք կապուած են Թուրքիոյ մէջ արգիւտած Զիւրտիստանի աշխատաւորական կուսակցութեան հետ, անոնց պատկանող հաշիւներն ու լրա-



տուական աղբիւրները, թոյլ չտան անոնց վերաբացումը: Բացի այդ, Անգարան Սթոքհոլմէն եւ Հելսինքիէն կը պահանջէ հանել պաշտպանական արտադրանքի արգելքը եւ արտայանձնել այն մարդիկը, որոնք կապուած են ահաբեկիչներու հետ: Թուրքիոյ իշխանութիւնները առաջարկած են նաեւ, որ երկիրներու յատուկ ծառայութիւններուն միջեւ համագործակցութիւն հաստատուի ահաբեկչութեանը դիմակայելու հարցերուն մէջ: